



**Broj: 01-112/20**  
**Vareš, 30.09. 2020. godine**

**Z A P I S N I K**  
**sa 38. sjednice Općinskog vijeća Vareš,**  
**održane 30.07. 2020. godine**

Predsjedavajući OV pozdravio je sve prisutne.

Izvršena je prozivka vijećnika.

**Prisutni vijećnici:** Adis Čizmo, Dženan Džafo, Nermin Hrvat, Emir Islamović, Kenan Kamenjaš, Demo Kevrić, Lidija Miletović Berberović, Mario Mirčić, Safeta Muftić, Nedžad Mušanović, Kruno Ridić, Branko Romić, Elvir Rožajac, Igor Šimić, Nikola Šimić i Fadila Turki.

**Odsutni:** Mirnes Ajanović, Ilhana Fatić i Anel Muftić.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 38. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, tajnik Općinskog vijeća – gosp. Leon Pavlović, pomoćnik načelnika – gosp. Ermin Musa, rukovodilac JURA - gosp. Rusmir Berberović, ispred općinskih službi – Stela Andrić i Senad Dramalija, predstavnici firme „Stilprojekt“ d.o.o. Zavidovići i predstavnici medija.

Tajnik OV Leon Pavlović izvijestio je Vijeće o odgovorima na postavljena vijećnička pitanja sa 37. sjednice OV održane 30.06.2020. godine i realizaciji Zaključka. Na 37. sjednici donesen je jedan (1) Zaključak koji je u toku realizacije. Postavljeno je devet (9) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik Zdravko Marošević za današnju sjednicu u svom obraćanju o aktualnim pitanjima izvijestio je prisutne o aktivnostima u proteklom periodu. Polugodišnji Izvještaj o izvršenju budžeta pokazuje stanje kakvo jeste. Svake aktivnosti i obilježavanja određenih manifestacija i praznika svedene su na minimum zbog pandemije virusa COVID 19. Skrenuo je pažnju građanima da i dalje treba poštivati i pridržavati se mjera u sprečavanju širenja virusa COVID 19.

## *(Vijećnička pitanja)*

### **Elvir Rožajac**

1. Kada će doći do sanacije regionalnog dijela puta ispred tunela, koji je stradao u poplavi, i puta na dionici Šimin potok-Ravne? (dao je pojašnjenje)

### **Kruno Ridić**

2. Građani MZ Vareš Majdan mole da im se dostavi jasan i precizan izvještaj, koliko se dobilo od koncesija od mini hidrocentrale i koliko je sredstava uplaćeno po osnovu subvencije?
3. Moje pitanje je vezano za prošlomjesečno. A vezano je za poplave u MZ Dubošćici i MZ Tribiji. Te poplave su nanijele velike štete. Postavljam otvoreno pitanje, ko će očistiti korita rijeka koja su puna naplavina, trupaca, guma od zglobara i ostalog? (dao je pojašnjenje)

### **Emir Islamović**

4. Da li postoji organizirani i ugovoreni prijevoz Dragovići-Mijakovići?

### ***Inicijativa***

Svjedoci ste za jučerašnju raspodjelu sredstava, vezano za općine. Svaka općina je dobila linearno 125.000 KM, dok drugi dio preko projekata općina Vareš je zaobiđena. Trebali bi mi preko Vijeća da pošaljemo akt, vezano za nezadovoljstvo što smo zaobiđeni. Možemo na kraju Vijeća da formiramo zaključak i da pošaljemo.

### **Demo Kevrić**

5. Traži da se pristupi sanaciji lokalnih putova na općini Vareš, napomenuo je MZ Striježevo zaseok Smajići i Juke.
6. Već sam postavljao pitanje. Saniranje prostorija za predizborne skupove. Ako ima ikakve solucije da se daju neka sredstva u vidu materijala, da to pokušamo urediti. (dao je pojašnjenje)

Općinski načelnik dao je usmene odgovore na postavljena vijećnička pitanja na samoj sjednici.

Zamjenik predsjedavajućeg preuzeo je vođenje sjednice.

Zamjenik predsjedavajućeg OV stavio je na raspravu Zapisnik sa 37. sjednice OV.

Nije bilo primjedbi i zamjenik predsjedavajućeg OV stavio je na izjašnjavanje Zapisnik sa 37. sjednice OV i nakon izjašnjavanja vijećnika konstatira da je **jednoglasno sa (12 glasova „ZA“)** (odsutni vijećnici: Nedžad Mušanović, Adis Čizmo, Igor Šimić i Safeta Muftić) **usvojen Zapisnik sa 37. sjednice OV.**

Zamjenik predsjedavajućeg OV stavio je na raspravu prijedlog dnevnog reda za 38. sjednicu OV koji je usuglašen na Kolegiju Općinskog vijeća.

Nije bilo rasprave i zamjenik predsjedavajućeg OV stavio je na izjašnjavanje prijedlog dnevnog reda za 38. sjednicu OV.

Nakon izjašnjavanja vijećnika predsjedavajući OV konstatira da je **jednoglasno (sa 14 glasova „ZA“)** (odsutni vijećnici Igor Šimić i Safeta Muftić) **usvojen sljedeći**

### *Dnevni red*

1. Nacrt Regulacionog plana „Toljenak 1“ općina Vareš.  
Izvjestilac: Ermin Musa
2. Nacrt Odluke o provođenju Regulacionog plana „Toljenak 1“ općina Vareš.  
Izvjestilac: Ermin Musa
3. Prijedlog Odluke o dodjeli općinskog priznanja i novčane nagrade Općine Vareš za 2020. godinu.  
Izvjestilac: Sekretar OV
4. Prijedlog Odluke o izmjenama i dopunama Poslovnika o radu Općinskog vijeća Vareš (Prečišćeni tekst)  
Izvjestilac: Sekretar OV
5. Izvještaj/izvješće o izvršenju budžeta/proračuna Općine Vareš za period januar/siječanj – juni/lipanj 2020. godine.  
Izvjestilac: Općinski načelnik
6. Informacija o ostvarenim prihodima u 2019. godini po osnovu odluka Općinskog vijeća Vareš.  
Izvjestilac: Općinski načelnik
7. Informacija o aktivnosti Općinskog načelnika po pitanju izmirenja duga Općine Vareš, po rješenju Kantonalnog poreznog ureda Zenica.  
Izvjestilac: Općinski načelnik
8. Izvještaj o realizaciji Strategije integriranog razvoja općine Vareš za 2019. godinu.  
Izvjestilac: Općinski načelnik
9. Prijedlog Programa obilježavanja 16. augusta – Dana općine Vareš.  
Izvjestilac: Općinski načelnik
10. Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš.  
Izvjestilac: Čedomir Jelić
11. Informacija o realiziranim aktivnostima u toku 2019. godine u okviru projekta „Via dinarica“.  
Izvjestilac: Rusmir Berberović

## 12. Tekuća pitanja.

Predsjedavajući OV preuzeo je vođenje sjednice.

### Ad. 1.

*(Nacrt Regulacionog plana „Toljenak 1“ općina Vareš.)*

Predsjedavajući OV otvorio je raspravu i pozvao predstavnika firme Stilprojekt da izvrši prezentaciju po ovoj točki dnevnog reda.

Predstavnik investitora gosp. Emir Ferović upoznao je prisutne sa dosadašnjim provedenim aktivnostima i zakonskim procedurama u vezi izrade Regulacionog plana „Toljenak 1“. U prezentiranju su učestvovali i ostali predstavnici firme.

Nakon provedene prezentacije u raspravi su učestvovali i iznijeli svoje prijedloge, sugestije i pitanja vijećnici: Elvir Rožajac (*uputio je primjedbu u vezi plana izgradnje glavnog puta, mišljenja je da izgradnja glavnog puta treba da ide iz MZ Ravne, postavio je pitanje u vezi pitke vode i otpadnih voda, o istom je dao pojašnjenje*), Kruno Riđić, općinski načelnik Zdravko Marošević, predsjedavajući OV Adis Čizmo, Safeta Muftić, Ermin Musa pomoćnik načelnika (dao pojašnjenja u vezi priključnih putova, izgradnji objekata, otpadnih voda i sl.), Mario Mirčić, Đemo Kevrić i Emir Islamović.

Zaključena je rasprava i predsjedavajući OV predložio je i stavio na izjašnjanje sljedeći

#### **Zaključak:**

- 1. Prihvata se Nacrt Regulacionog plana „Toljenak 1“ općina Vareš.**
- 2. Nacrt Regulacionog plana „Toljenak 1“ općina Vareš iz tačke 1. ovog Zaključka upućuje se na raspravu u trajanju od 30 dana.**
- 3. Zadužuju se Općinski načelnik i Služba za prostorno uređenje da organiziraju i provedu javnu raspravu u skladu sa aktima Vijeća.**
- 4. Nakon provedene rasprave, predlagač će sačiniti i Izvještaj o provednoj raspravi i isti dostaviti Vijeću. Kod utvrđivanja prijedloga ovlašteni predlagač će uzeti u razmatranje prijedloge, mišljenje sa današnje rasprave i u toku provođenja javne rasprave.**
- 5. Ovaj Zaključak stupa na snagu danom donošenja.**

Nakon izjašnjanja vijećnika predsjedavajući OV konstatira da je **sa 15 glasova „ZA“ i 1 „SUZDRŽANIM“ glasom usvojen Zaključak.**

### Ad. 2.

*(Nacrt Odluke o provođenju Regulacionog plana „Toljenak 1“ općina Vareš.)*

Predlagač nije imao dodatno pojašnjenje.

Nije bilo rasprave po ovoj točki dnevnog reda i predsjedavajući OV stavio je na izjašnjanje sljedeći

#### **Zaključak:**

- 1. Prihvata se Nacrt Odluke o provođenju Regulacionog plana „Toljenak 1“ općina Vareš.**

2. **Nacrt Odluke o provođenju Regucionog plana „Toljenak 1“ općina Vareš iz tačke 1. ovog Zaključka upućuje se na javnu raspravu u trajanju od 30 dana.**
3. **Zadužuju se Općinski načelnik i Služba za prostorno uređenje da organiziraju i provedu javnu raspravu u skladu sa aktima Vijeća.**
4. **Nakon provedene rasprave, predlagač će sačiniti prijedlog i Izvještaj o provedenoj raspravi i isti dostaviti Vijeću.**
5. **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatira da je **sa 15 glasova „ZA“ i 1 „SUZDRŽANIM“ glasom usvojen Zaključak.**

#### **Ad.3.**

*(Prijedlog Odluke o dodjeli općinskog priznanja i novčane nagrade Općine Vareš za 2020. godinu.)*

Predlagač nije imao dodatno pojašnjenje.

Nije bilo rasprave po ovoj točki dnevnog reda i predsjedavajući OV stavio je na izjašnjavanje Prijedlog Odluke o dodjeli općinskog priznanja i novčane nagrade Općine Vareš za 2020. godinu.

Nakon izjašnjavanja vijećnika predsjedavajući OV konstatira da je jednoglasno (**sa 16 glasova „ZA“**) usvojena

***Odluka o dodjeli općinskog priznanja i novčane nagrade Općine Vareš za 2020. godinu.***

#### **Ad.4.**

*(Prijedlog Odluke o izmjenama i dopunama Poslovnika o radu Općinskog vijeća Vareš (Prečišćeni tekst))*

Tajnik OV Leon Pavlović dao je dodatno pojašnjenje za ovu tačku dnevnog reda.

Otvorena je rasprava u kojoj je učestvovala vijećnica Safeta Muftić koja traži dodatno pojašnjenje za član 12. koji se odnosi na formiranje Komisije za borbu protiv korupcije i predlaže uz objašnjenje:

- član 5. da glasi: „Zajednički klub od najmanje dva vijećnika mogu formirati:
  - a) dvije ili više političkih stanaka koje imaju zajedničko najmanje dva vijećnika,
  - b) najmanje dva nezavisna vijećnika,
  - c) dva ili više vijećnika koji se u toku trajanja mandata izjasne da u daljnjem trajanju mandata djeluju kao samostalni vijećnici.
- u članu 8. da se briše stav „(6) Kolegij OV može iz razloga navedenih u stavu (5) nadležnosti OV prenijeti da o tome odlučuje Općinski načelnik.“

Općinski načelnik iznio je svoje mišljenje u vezi prijedloga.

Sekretar OV dao je dodatno pojašnjenje u vezi člana 5. i 8. i ispred predlagača izjavio da se član 12. povlači iz prijedloga Odluke.

Zaključena je rasprava i predsjedavajući OV stavio je na izjašnjavanje Prijedlog Odluke o izmjenama i dopunama Poslovnika o radu Općinskog vijeća (Prečišćeni tekst) uz prihvaćenu sugestiju da se član 12. briše, a samim tim i član 10. u prijedlogu Odluke.

Nakon izjašnjavanja vijećnika predsjedavajući OV konstatira da je jednoglasno (sa 16 glasova „ZA“) usvojena

***Odluka o izmjenama i dopunama  
Poslovnika o radu Općinskog vijeća (Prečišćeni tekst).***

**Ad.5.**

*(Izveštaj/Izvješće o izvršenju budžeta/proračuna Općine Vareš  
za period januar/siječanj – juni/lipanj 2020. godine.)*

Otvorena je rasprava u kojoj su učestvovali vijećnici: Safeta Muftić, Kruno Ridić, Emir Islamović, Mario Mirčić, Adis Čizmo, Branko Romić, Đemo Kevrić (*uz dato pojašnjenje predložio je da u ovom mandatu po pitanju rebalansa za 2020. godinu učini se nešto u onom obliku najskromnijeg trošenja sredstava*).

Općinski načelnik u svom obraćanju izjavio je da za trenutno stanje ne možemo kriviti samo stanje pandemije o čemu je dao pojašnjenje.

Zaključena je rasprava i predsjedavajući OV stavio je na izjašnjavanje Izveštaj/Izvješće o izvršenju budžeta/proračuna Općine Vareš za period januar/siječanj-juni/lipanj 2020. godine.

Nakon izjašnjavanja vijećnika predsjedavajući OV konstatira da **sa 15 glasova „ZA“ i 1 glasom „PROTIV“** usvojen

***Izveštaj/Izvješće o izvršenju budžeta/proračuna  
Općine Vareš za period januar/siječanj-juni/lipanj 2020. godine.***

**Ad.6.**

*(Informacija o ostvarenim prihodima u  
2019. godini po osnovu odluka Općinskog vijeća Vareš.)*

Nije bilo rasprave po ovoj točki i predsjedavajući OV uz **Zaključak konstatira da Vijeće primilo k znanju**

***Informaciju o ostvarenim prihodima u 2019. godini  
po osnovu odluka Općinskog vijeća Vareš.***

**Ad.7.**

*(Informacija o aktivnostima Općinskog načelnika po pitanju izmirenja duga  
Općine Vareš, po rješenju Kantonalnog poreznog ureda Zenica.)*

Općinski načelnik izvijestio je prisutne da Općina Vareš ima zastoj izmirenja duga za doprinose prema Poreskoj upravi i da je u toku proces rješavanja istog za koji Poreska ima razumijevanje.

Nije bilo rasprave po ovoj točki dnevnog reda i predsjedavajući OV uz **Zaključak konstatira da je Vijeće primilo k znanju**

***Informaciju o aktivnostima Općinskog načelnika po pitanju izmirenja duga  
Općine Vareš, po rješenju Kantonalnog poreznog ureda Zenica.***

#### **Ad.8.**

*(Izveštaj o realizaciji Strategije integriranog razvoja općine vareš za 2019. godinu.)*

Otvorena je rasprava u kojoj je učestvovao vijećnik Kruno Riđić i sugerirao da bi bilo potrebno izvršiti korigiranje u smislu realnog ocjenjivanja šta i koje projekte Općina može realizirati. O istom je dao pojašnjenje.

Rusmir Berberović rukovodilac JURA-e dao je odgovor da je revizija ovog strateškog dokumenta planirana u 2021. godini.

Zaključena je rasprava i predsjedavajući OV stavio je na izjašnjenje Izveštaj o realizaciji Strategije integriranog razvoja općine Vareš za 2019. godinu.

Nakon izjašnjenja vijećnika predsjedavajući OV konstatira da je **jednoglasno sa (15 glasova „ZA“)** (odsutan vijećnik Nedžad Mušanović) **usvojen**

***Izveštaj o realizaciji Strategije integriranog razvoja općine Vareš za 2019. godinu.***

#### **Ad.9.**

*(Program obilježavanja 16. augusta – Dana općine Vareš)*

Općinski načelnik u svom obraćanju upoznao je prisutne da će obilježavanje Dana općine Vareš biti svedene na minimum zbog pandemije i da će na svečanoj sjednici biti uručene zahvalnice pojedinim firmama, ustanovama i pojedincima zbog zalaganja za dobrobit lokalne zajednice. O istom je dao pojašnjenje.

Predsjedavajući OV upoznao je Vijeće da će Svečana sjednica u povodu obilježavanja 16. Augusta – Dana općine Vareš biti održana 14. 08. 2020. godine (petak) u 14,30 sati.

Predsjedavajući OV uz **Zaključak konstatira da je Vijeće primilo k znanju**

***Programa obilježavanja 16. augusta – Dana općine Vareš.***

#### **Ad.10.**

*(Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš.)*

Nije bilo rasprave i predsjedavajući OV konstatira uz **Zaključak da je Vijeće primilo k znanju**

***Informaciju o ostvarivanju osnovnih i dopunskih prava iz oblasti boračko-invalidske zaštite na području općine Vareš.***

**Ad.11.**

*(Informacija o realiziranim aktivnostima u toku 2019. godine u okviru projekta „Via dinarica“.)*

Nije bilo rasprave i predsjedavajući OV konstatira uz **Zaključak da je Vijeće primilo k znanju**

***Informaciju o realiziranim aktivnostima u toku 2019. godine u okviru projekta „Via dinarica“.***

**Ad.12.**

*(Tekuća pitanja.)*

Predsjedavajući OV upoznao je prisutne sa pristiglom poštom:

1. Zahtjev za rješavanje problema sa stokom na putovima u MZ Pogar od 21.07.2020. godine dostavljen od gosp. Stanka Djaković, Pogar bb, općina Vareš.

Općinski načelnik je u svom izlaganju izjavio je da će nadležna služba provjeriti da li Općina Vareš ima nadležnosti kad je ova materija u pitanju.

U raspravi je učestvovao i vijećnik Elvir Rožajac koji je iznio svoje mišljenje u vezi zahtjeva.

Predsjedavajući OV izvijestio je Vijeće da je navedeni Zahtjev dostavljen i kantonalnim institucijama i da je kantonalna veterinarska inspekcija bila na terenu.

Predsjedavajući OV je u svoje lično ime i u ime Općinskog vijeća čestitao svim vjernicima islamske vjeroispovijedi Kurban Bajram.

Sastavni dio ovog Zapisnika je audio zapis sjednice.

Sjednica je završena u 17,05 sati.

**T A J N I K**

**Leon Pavlović**

**ZAPISNIČAR**

**Azra Pijadžer**

**PREDSJEDAVALAČI  
OPĆINSKOG VIJEĆA**

**Adis Čizmo**